

DECLARATION DE LA

VOLONTE

DV ROY ADDRESSEE

A NOSSEIGNEURS DE

la Cour de Parlement.

M. DC. XV.

DECLARATION

VOLONTÉ

DU ROY ADRESSEE

A NOSSEIGNEURS LES

la Cour de Parlement.

M. DC. XV.

DECLARATION DE LA
volontè du Roy addressée à Nosseigneurs
de sa Cour de Parlement.

DE PAR LE ROY.

NOS AMEZ & feaux dès lors que nous prîmes la resolution de faire nostre voyage de Guyenne, pour l'accomplissement de nostre mariage & de celui de nostre treschere sœur. nous fîmes aussi estat d'estre assiste & accôpagnez des princes de nostre sang & de la plus part des autres Princes & officiers de nostre Couronne comme en vne occasion des plus celebres qui puissent arriuer durant nostre regne. Entre autres nous y conuiasmes verbalement nostre Cousin le Prince de Condé, lequel nous auoit tousiours fait esperer de nous donner ce cõtentement. Neãtmoins l'ayãt veu depuis quelques mois s'esloigner de nous, nous aurîos estimè à propos de nous asseurer plus particulièrement de son intention. Sur ce subiect pour cet effect nous luy en fîmes parler par nostre Cousine la Comtesse de Soissons & depuis par nostre Cousin le Duc de Neuers, & recognoissant que par leur ministere nous n'en pouuons auoir aucune asseuree resolution & que mesmes il s'estoit encores retirè plus loing qu'au parauant nous enuoyasmes vers luy le Sieur de Villeroy, pour le presser de satisfaire à ce qui estoit en cela de nostre desir ou sçauoir de luy mesme les subjects qui pouuoient causer son esloignement. Sur quoy ledit Sieur de Villeroy s'estant rendu pres de luy, & luy ayant fait instance de nostre part sur ce subject. Il

luy auoit dit qu'auparauant que de se resoudre de
 s'approcher de nous & nous accompagner aud. voya-
 ge. Il desiroit que nous fissions pouruoir à la refor-
 mation de quelques desordres, qui estoient dans l'e-
 stat, Assauoir sur la tenuë de nos Cōseils & sur les re-
 monstrances qui nous auoient esté par vous faictes,
 specialement en ce qui estoit du faict de la Iustice a-
 uec quelques autres poincts qui sembloient toucher
 plustost son particulier que le general. Ce que nous
 ayât esté rapporté par led. Sieur de Villeroy, à son re-
 tour nous le réuoyasmes pour la secōde fois le trou-
 uer avec nos intentions sur lesdits poincts tels qu'il
 auoit tout subiect d'en demeurer content. Et les luy
 ayant ledit Sieur de Villeroy voulu représenter. Il
 auroit entendu de luy ce dont nous l'auions char-
 gé touchant la reformation de nosdits Conseils.
 Ce qu'il nous monstra approuuer. Et pour le regard
 des autres poincts. Il luy declara qu'il n'en pouuoit
 traicter sans en auoir conféré avec ses amis. Et de fait
 il partit en mesme instant de Clermont, où il estoit
 lors pour aller, à ce qu'il luy dit, assembler & ren-
 contrer sesd. amis. Ce que nous ayant derechef esté
 rapporté par ledit Sient de Villeroy. Et ayant appris
 que nostredit Cousin se deuoit trouuer peu de iours
 apres à Noyon à Coucy, & qu'il y auoit assigné nos
 Cousins les Ducs de Longueuille, de Mayenne,
 Comte de S. Paul & Mareschal de Buillon, ne vou-
 lant rien laisser en arriere qui luy peust donner sub-
 iect ou pretexte de retarder d'auantage son retour
 pres de nous & de nous accompagner en nostre
 voyage. Nous aduisasmes de renuoyer encore vers
 luy pour la troisieme fois ledit Sient de Villeroy a-
 uec charge & pouruoir plus ample sur ce qui pouuoit

estre de son contentement, & pour luy donner témoignage de nos bonnes intentions & de nostre bienueillance en son endroict, & depuis qu'il fust party ayant considéré combien le temps nous pressoit pour nous acheminer en nostredit voyage le quel nous auions auparauant resolu de faire dès le 25. du mois passé pour arriuer à Bordeaux au commencement du prochain & iceluy differé, pour donner tant plus de temps & demoyen à nostredit cousin de se disposer à nous venir trouuer, voyant que nous ne pouuons plus remettre nostre partement pour nous rendre audit Bordeaux, dans le huiëtiesme du mois de Septembre, ou nous auions assigné ceux qui se deuoyent trouuer pour ces ceremonies en ayant mesmes donné aduis au Roy d'Espagne, afin qu'en mesme temps il disposast les affaires de son costé. Nous nous resolusmes de partir de ceste ville sans aucun retardemēt, le Samedy premier iour du mois d'Aoust prochain, dont nous aurions estimé deuoir faire aduertir nostredit cousin, & les autres Princes & seigneurs qui estoient aupres de luy pour cet effect, nous despeschastes encores vers ledit le sieur de Pont-Chartrain avec charge de se ioindre avec led. sieur de Villeroy pour tous deux ensēble lui presenter les lettres que nous luy escriuions sur ce subiect luy dire que l'estat de nos affaires, ne nous pouuoit permettre de differer dauantage, nostredit voyage le conuier derechef, & luy faire instance de nous y accompagner ainsi qu'il deuoit, & nous l'auoir faict esperer & de venir prendre pres de nous, & y tenir le rang qui est deub à sa qualité & à sa naissance, & que s'il auoit a y apporter quelque reffuz ou difficulté qu'il nous la fist scauoir, afin que sur cela

nous peussions pouuoir à ce qui est de nostre seruice. Nous aurions donc charge ausdits sieurs de Villeroy & de Pont-Chartrain de faire les mesmes offices à l'édroit de nosdits cousins les Ducs de Longueuille, de Mayenne, Comte de saint Pol, & Mareschal de Buillon : Mais au lieu de nous tesmoigner l'obligation qu'il nous auoyent du soing que nous prenions de les tenir aduertis de nos resolutions, & les appeller pour nous assister audit voyage. Nostredit cousin le Prince de Condé nous a escrit vne lettre par laquelle il se plaint de la trop grande precipitation dont nous vsons pour nostre dit parlement, & nous mande qu'il ne peut nous y accompagner qu'au parauant nous n'ayons pourueu aux propositions qu'il auoit faictes pour la reformation de nosdits Conseils, & sur les remonstrances que vous nous auez faictes, & autres particularitez qui nous tesmoignent assez qu'il n'a eu autre dessein que d'elloigner & remettre si long temps nostre parlement pour nostredit voyage, qu'il nous en fust perdre la commodité pour ceste année, & possible essayer de rompre le subiect d'iceluy estant secondé en cette mesme opinion de ne nous accompagner audit voyage par les Princes & Seigneurs iusnommez du Conseil desquels il s'est seruy pour nous faire ladite lettre, & qui ont sur cela déclaré ausdits sieurs de Villeroy & de Pôt-Chartrain, auoir pareille intention lors qu'ils leur en ont parlé de nostre dite part. Enquoy nous nous sommes trouuez d'autant plus deceuz que nous donions à nostredit cousin vn entier contentement sur tous les poincts qu'il auoit proposez audit sieur de Villeroy concernas le public Bien est-il vray que nous auons esté aduertis qu'il auoit fait entendre par aucuns de ses plus confidans

seruiteurs des aduantages qu'il desiroit pour son particulier comme auoyent aussi faict aucuns des autres susnommez sur lesquels n'ayans receu la iatisfaction qu'ils pouuoient desirer, l'on peut croire que cela a peu aider au refus qu'ils ont fait de venir avec nous maintenant que nous sommes sur nostre parterment & ne pouuans demeurer en grand ombrage. Jalousie & defiance sur led. refus que nostredit Cousin & autres Princes & Seigneurs ont fait de nous donner ce contentement que nous attendions d'eux en vne occasion si remarquable, & que contre nostre desir & intention ils demeurent de d. çà avec tesmoignage de melcontentement, nous auons estimé de pouruoir à la seureté de nos villes & places & empescher qu'il n'y arriue aucun desordre au preiudice de la paix & tranquillité publique. Et à ceste fin nous escriuons presentement à nos Gouverneurs & Lieutenants generaux & autres qui ont charge dans nos Prouinces à ce qu'ils ayent à prendre soigneusement garde que l'on n'y face aucunes entreprises qui y puissent apporter du trouble & de l'alteration, afin qu'estans aduertis de tout ce que dessus. Ils ayent à pouruoir à ce qu'ils iugeront necessaire, pour empescher les desordres & mouuemens qui pourroient arriuer en l'estenduë de leurs charges & qu'il luy soit faict aucune leuee de Gens de guerre sans nos lettres & Commission, & aussi qu'ils ayent à donner ordre que les habitans des villes, facent gardes aux portes pour obseruer ceux qui y iroient & viendront & empeschent l'entree ausdits Princes & Seigneurs susnommés & autres qui seront aduoués & recognise estre de leur part. Si ce n'est avec lettres ou passeport de nous Prennent garde que

eux n'y autres ne s'en puissent rendre maistres & troubler le repos desdits habitans n'y les destourner de la fidelité & obeïssance, qu'ils nous doiuent vous ayant voulu aussi escrire & tenir aduertis de tout ce que dessus, afin qu'en estans particulièrement informez, vous apportiez ce qui dependra de vostre auctorité pour maintenir nos subiects en leur deuoir & les faire viure en bonne vnion & concorde les vns avec les autres souz l'obseruatiō de nos Edicts faicts pour la conseruation de la paix, repos & tranquillité entre tous nosdicts subiects tant Catholiques que de la Religion pretenduë refformee. En sorte qu'il ne soit rien faict ny entrepris au contraire d'iceux & de nostre seruice pouruoyant exactement à faire punir & chastier les contreuenans selon la rigueur de nosdicts Edicts comme est nostre intention qu'ils soient entierement gardez & obseruez dont nous assseurāt que vous en ferez tout deuoir de vostre part. Nous ne vous en ferōs icy plus expresse ordonnance. Donné à Paris le trentiesme Iuillet mil six cens quinze.

signé LOVYS & plus bas de LOMENIE.